

中國經濟史 長編

國家圖書館出版社

黃序鵬 撰

32

中國經濟史 長編

32

黃序鵬
撰

——
國家圖書館出版社

第三十二冊目錄

第二十七編 田賦

田賦(一)	卷一	上古	唐虞夏	商	周	卷二	周	秦	前漢	後漢	蜀漢	魏	吳
.....													
〇〇三	〇〇三	〇〇三	〇〇三	〇一七	〇二一			〇九〇	〇九二	一〇〇	一〇七	一〇七	一〇九

晉	宋	齊	陳	後魏	北齊	北周	卷三	隋	唐	田賦(二)	卷四	後梁	後唐	後晉	後漢
一一〇	一一四	一一七	一二一	一二二	一三二	一三三	一三三	一三三	一三七		一九七	一九七	一九七	二〇八	二一一

卷六	宋	卷五	宋	遼	後周
.....					
三三二			二二三	二一八	二一三

明	卷七—九	田賦(三)	元	金
.....				
四〇一	四〇一		三五	三三二

卷一 田賦

卷一 上古、唐、虞、夏、商、周

卷二

北周

周、秦、前漢、後漢、蜀漢、魏、吳、晉、宋、齊、陳、後魏、北齊、

卷三 隋、唐

(共十二卷)

上古

路史炎帝承 其政因民之仍發虛土、蓋百五而如收於是貢胥之法行焉

神農書云承為民賦二十而一按管子言共工氏之霸取民有法而神農亦有終歲獻貢之事賦貢之末久矣特神農教民稼而復有穀米之賦帝承為之制爾

黃帝有熊氏 經土設井以塞爭端立步制晦以防不足八家以為井井設其中

而收之于邑故十利得外紀十利本通典辨九地立什一什一之法天下之中

此本之

帝嚳高辛氏 畫地之制受小昊高陽之經理卒創九州以統理下國正刑均

賦以調民人

唐虞夏

尚書大傳唐傳堯典 故天子南面而視四星之中知民之緩急急則不賦籍

鄭玄注籍公桑之常徭王閔運補曰
賦民賦車籍籍田公桑所應得穀
則不舉力役故曰敬授人時

書經夏書 禹別九州隨山省川任土作貢 孔氏傳任其土地所有定其貢

賦之差此堯時事而在夏書之首禹之王以是功

禹貢 孔氏傳禹制九州貢法 孔穎達疏正義曰禹制貢法故以禹貢名篇

貢賦之法其來久矣治水之後更復改新言此篇貢法是禹所制非禹始始為
貢也

冀州既載 孔氏傳堯所都也先施貢賦後載於書

厥土惟白壤 孔氏傳無塊曰壤水去土復其性色白而壤 孔穎達疏正義

曰九章算術穿地四為壤五壤為息土則壤是土和緩之名故云無塊曰壤此
土本色為然水去土復其性色白而壤雍州色黃而壤豫州直言壤不言其色
蓋州內之土不純一色故不得言色也

厥賦惟上上錯 孔氏傳賦謂土地所生以供天子上上第一錯雜出第二之賦 孔穎達疏正義曰以文承厥土之下序云任作貢又賦者稅斂之名往者洪水為災民皆墊溺九州賦稅蓋亦不行水災既除土復本性以作貢賦之差故云賦謂土地所生以天子謂稅斂以天子鄭玄云此州入數不貢是也因九州差為九等上上是第一也交錯是間雜之義故錯為雜也顧氏云上上之下即次上中故云雜出第二之賦也孟子稱稅什一為正輕之於堯舜為大貉小貉重之於堯舜為大桀小桀則此時亦什一稅俱什一而得為九等差者人功有強弱收穫有多少傳以荊州田第八賦第三為人功修也雍州田第一賦第六為人功少也是據人多少總計以定差此州以上上為正而雜為次等言出上上時多而上中時少也多者為正少者為雜故云第一此州言上上錯者少在正下故先言上上而後言錯據州言錯上中者少在正上故先言錯而後

言上中楊州云下上上錯不言錯下上者以本設九等分三品為之上中下下
上本是異品故變文言下上上錯也梁州云下中三錯者梁州之賦凡有三等
其出下中時多故以下中為正上有下上下下三等雜出故言三錯是明
雜有下上下下可知也此九等所較無多諸州相準為等級耳此計大率所得
非上科定也但治水據田責其什一隨土豐瘠是上之任土而下所獻自有差
降即以差等為上之定賦也然一升一降不可常同冀州自出第二與豫州同
時則無第一之賦豫州與冀州等一同則無第二之賦或客如此爭不可恆鄭
玄云賦之差一井上上出九夫稅下下出一夫稅連率九州一井稅五夫如鄭
此言上上出稅九倍多於下下鄭詩箋云井稅一夫其田百畝若上上一井稅
一夫則下下九井乃出一夫稅太少矣若下下井稅一夫則上上全入官矣豈
客輕重頓至是乎

厥田惟中中

孔氏傳田之高下肥瘠九州之中為第五 孔穎達疏正義

曰鄭玄云田著高下之等者當為水害備也則鄭謂地形高下為九等也王肅云言其土地各有肥瘠則肅定其肥瘠以為九等也如鄭之義高處地瘠出物既少不得為上如肅之義肥處地下水害所傷出物既少不得為上故孔云高下肥瘠共相參對以為九等上言敷土此言厥田田土異者鄭玄云地當陰陽之中能吐生萬物者曰土據人功作力競得而田之則謂之田田土異名義當然也

濟河惟兗州

孔氏傳東南據濟西北距河

厥土黑墳

孔氏傳色黑而墳起

厥土惟中下

孔氏傳田第六

厥賦貞

孔氏傳貞正也州第九賦正與九相當 孔穎達疏正義曰周易象

象皆以貢為正也諸州賦無下下貢即下下為第九也此州治水最在後畢州為第九成功其賦亦為第九列賦於九州之差與第九州相當故變文為貢見此意也

作十有三載乃同 孔氏傳治水十三年有賦法與他州同 孔穎達疏正義曰作者後功作務謂治水也治水十三年乃有賦法始得貢賦與他同也他州十二年此州十三年此於他州最在後也堯典言鯀治水九載績用不成然後堯命得舜舜乃舉禹治水三載功成堯即禪舜此言十三載者并鯀九載數之祭法云禹能脩鯀之功明鯀已加功而禹因之也此言十三載者記其治水之年言其水害除耳非言十三年內皆是禹之治水施功也馬融曰禹治水三年八州平故堯以為功而禪舜是十三年而八州平十三年而堯州平在舜受終之年也

海岱惟青州 孔氏傳東北據海西南距岱

厥土白墳海濱廣斥 孔氏傳濱涯也言復其斥鹵 孔穎達疏正義曰濱涯

常訓也說文云鹵鹹地也東方謂之斥西方謂之鹵海畔迴闊地皆斥鹵故云

廣斥言水害除復舊性也

厥田惟上下厥賦中上 孔氏傳田第三賦第四

海岱及淮徐州 孔氏傳東至海北至岱南及淮

厥土赤埴墳 孔氏傳土黏曰埴 孔穎達疏正義曰考工記用為瓦謂之埴

埴之工是埴謂黏土故土黏曰埴

厥田惟上中厥賦中中 孔氏傳田第三第四

淮海惟揚州 孔氏傳北據淮南距海

厥土堆塗泥 孔氏傳地泉過

厥田惟下下厥賦下上錯 孔氏傳田第九賦第七雜出第六

荆及衡陽惟荊州 孔氏傳北據荆山南及衡山之陽

厥土惟塗泥厥田惟下中厥賦上下 孔氏傳田第八賦第三人功修

荆河惟豫州 孔氏傳西南至荆山北距河水

厥土惟壤下土墳壚 孔氏傳高者壤下者壚壚疏 壚音盧說文黑剛土也

厥田惟中上厥賦錯上中 孔氏傳田第四賦第二又雜出第一

華陽黑水惟梁州 孔氏傳東據華山之南西距黑水

厥土青黎 孔氏傳色青黑而沃壤 孔穎達疏正義孔以黎為黑故云色青

黑其地沃壤言其美也王肅曰青黑色黎小疏也

厥田為下上厥賦下中三錯 孔氏傳田第七賦第八雜出第七第九三等

孔穎疏正義曰傳以既言下中復云三錯舉下中第八為正上下取一故雜出

第七第九與第八為三也鄭云三錯者此州之地有當出下之賦者少耳又有當出上下中下者差復益小與孔異也

黑水西河惟雍州孔氏傳西距黑水東據河龍門之河在冀州西

厥土惟黃壤厥田惟上上厥賦中下孔氏傳田第一賦第六人功少孔穎達疏正義曰此與荊州賦田升降皆較六等荊州升之極故云人功修此州降之極故云人功少其餘相較少者從此可知也王制云凡居民量地以致邑度地以居民地邑民居必參相得也則民當相準而得有人功修人功少者記言初置邑者可以量之而州境闊遠民居先定新遭洪水存亡不同故地勢有美惡人功有多少治水之即為此差在後隨人少多必得更立其等此非永定也庶土交正底慎則賦咸則三壤成賦中邦孔氏傳交俱也象土俱得其正謂壤墳壝致所慎者財貨貢賦言取之有節不過度皆法壤田上中中大較三品

成九州之賦明水害除 孔穎達疏傳交俱至過度 正義曰交錯更互俱之
義故交為俱也洪水之時高下皆水土失本性今水災既除衆土俱得其正謂
壤墳壚還復其壤墳壚之性也諸州之土青黎是色塗泥是濕土性之異惟有
壤墳壚耳故舉三者以言也致所慎者財貨貢賦謹慎其爭不使害人言取民
有節什一而稅不過度也 傳皆法至害除 正義曰土壤各有肥瘠貢賦從
地而出故分其土壤為上中下計其肥瘠等級甚多但舉其大較定為三品法
則地之善惡以為貢賦之差雖細分三品以為九等人功修少當時小異要民
之常稅必準其土故皆法三壤成九州之賦言得施賦法以明水害除也九州
即是中邦故傳以九州言之

通考 田賦考 後唐李琪疏言堯漚洪水作司空於是辨九等之田收什一之
稅

堯遭洪水天下分絕使禹平水土別九州三九州之地定墾者九百一十萬八千二十頃

三山林氏曰三代取于民之法不同而皆不出什一之數既不出什一之數而乃有九等之差者蓋九州地有廣狹民有多寡其賦稅所入總數自有不同不可以田之高下而準之計其所入之總數而多寡比較有此九等冀州之賦比為最多故為上上兗州之賦比九州為最少故為下下其餘七州皆然非取於民之時有此九等之輕重也

通典食貨賦稅 禹定九州量遠近制五服任土作貢分田定稅十一而賦萬國以康

書經夏書 禹貢 五百里甸服 孔氏傳規方千里之謂之甸服為天子服治田去王城面五百里內 孔穎達疏正義曰先王規方千里以為甸服周語